

20 SEP 2002

REAKSI-PUAS

BELANJAWAN 2003 PAMERKAN KEMATANGAN DAN PEMIKIRAN DINAMIK

KUALA LUMPUR, Sept 20 (Bernama) -- Belanjawan 2003 yang dibentangkan hari ini menunjukkan kematangan dari aspek pembangunan sektor-sektor utama, kata ketua pegawai eksekutif Perbadanan Urus Air Selangor Berhad (PUAS), Datuk Mohd Sinon Muzakir.

"... dan tumpuan kepada aspek-aspek yang akan meningkatkan nilai ditokok seperti aspek pembangunan teknologi, pembangunan sistem, pengurusan dan promosi, ke arah daya saing yang lebih tinggi di peringkat antarabangsa," katanya mengulas Belanjawan 2003 yang dibentangkan Perdana Menteri Datuk Seri Dr Mahathir Mohamad di Dewan Rakyat.

Ia juga meliputi sektor-sektor teknologi komunikasi maklumat (ICT), pertanian, pelancongan, perumahan dan alam sekitar, katanya.

Mohd Sinon juga berkata belanjawan kali ini menunjukkan satu pemikiran dinamik dan memandang ke hadapan.

"Ia merupakan satu kesinambungan perancangan pembangunan negara dengan memberikan isu dan cabaran semasa secara pragmatik dan memberikan fokus yang tepat.

Dari segi strategi pembangunan ekonomi, katanya, ia mendorong sektor swasta bergerak semula sebagai enjin pertumbuhan. Ini selaras dengan pembangunan infrastruktur yang begitu terkini, promosi yang luas dan persepsi yang baik di peringkat antarabangsa. -- BERNAMA.

TNS JR